

Odluka o imenovanju članova i savjetnika Visokog sudskog i tužilačkog vijeća Bosne i Hercegovine

Koristeći se ovlaštenjima koja su Visokom predstavniku data u članu V Aneksa 10. (Sporazum o implementaciji civilnog dijela Mirovnog ugovora) Općeg okvirnog sporazuma za mir u Bosni i Hercegovini, prema kojem je Visoki predstavnik konačni autoritet u zemlji u pogledu tumačenja gore navedenog Sporazuma o implementaciji civilnog dijela Mirovnog ugovora; i posebno uzevši u obzir član II 1. (d) istog Sporazuma prema kojem Visoki predstavnik "pomaže, kada ocijeni da je to neophodno, u rješavanju svih problema koji se pojave u vezi sa implementacijom civilnog dijela Mirovnog ugovora";

Pozivajući se na stav XI.2 Zaključaka Konferencije za implementaciju mira održane u Bonu 9. i 10. decembra 1997. godine, u kojem je Vijeće za implementaciju mira pozdravilo namjeru Visokog predstavnika da iskoristi svoj konačni autoritet u zemlji u vezi sa tumačenjem Sporazuma o implementaciji civilnog dijela Mirovnog ugovora, kako bi pomogao u iznalaženju rješenja za probleme u skladu sa gore navedenim "donošenjem obavezujućih odluka, kada ocijeni da je to neophodno", o određenim pitanjima, uključujući i (prema tački (c) stava XI.2) "mjere kojima se obezbjeđuje implementacija Mirovnog sporazuma na cijeloj teritoriji Bosne i Hercegovine i njenih entiteta";

Uvjeren u vitalni značaj koji za Bosnu i Hercegovinu ima nastojanje da se ojača i slijedi vladavina zakona kako bi se stvorila osnova za privredni rast i strane investicije;

Uz uvažavanje stava I.2.a Zaključaka donesenih na navedenoj

konferenciji u Bonu kojim je potvrđeno "da je nepristrasno i nezavisno pravosuđe" od "suštinskog značaja za vladavinu prava i pomirenje u Bosni i Hercegovini", da proces imenovanja sudija i tužilaca mora biti zasnovan na sposobnostima, da se mora uspostaviti institucija za edukaciju sudija i tužilaca, te da je kontrola pravosudnog sistema element od suštinskog značaja za taj proces;

Pozivajući se na Kominike Upravnog odbora Vijeća za implementaciju mira od 28. 02. 2002. godine, u kojem Upravni odbor podržava pooštrenu strategiju reforme pravosuđa Nezavisne pravosudne komisije za 2002/03. godinu, kao i uvažavajući, između ostalog, značaj uspostavljanja Visokog sudskog vijeća za BiH i reorganizacije sudova, a što se dalje ponavlja u Kominikeu od 7. 05. 2002. godine;

Pozivajući se donošenje zakona o Visokom sudskom i tužilačkom vijeću Federacije Bosne i Hercegovine, Visokom sudskom i tužilačkom savjetu Republike Srpske, Visokom sudskom i tužilačkom vijeću Bosne i Hercegovine i Uputstva od 23. 05. 2002. godine, s ciljem da se ojača nezavisnost pravosuđa i osigura da ponovna imenovanja sudija i tužilaca budu u skladu sa reorganizacijom sudova i tužilaštava;

Pozdravljajući postizanje sporazuma između entiteta o prenošenju određenih odgovornosti koje se odnose na pravosuđe na nivo Bosne i Hercegovine, kojim se omogućava uspostavljanje jednog Visokog sudskog i tužilačkog vijeća na nivou Bosne i Hercegovine;

Imajući u vidu da je zakon o jednom Visokom sudskom i tužilačkom vijeću na nivou Bosne i Hercegovine stupio na snagu 1. 06. 2004. godine i da je neophodno osigurati nesmetanu transformaciju u novoosnovano Vijeće, te takođe garantovati kontinuiran rad, nastavak članstva, kontinuirano prisustvo međunarodnih članova, geografsku zastupljenost i ravnomjernu nacionalnu zastupljenost i zastupljenost spolova.;

Uzimajući u obzirda je nekoliko domaćih institucija predložilo kandidate za domaće članove Visokog sudskog i tužilačkog vijeća u skladu sa Zakonom;

Ovim donosim slijedeću

ODLUKU

o imenovanju članova i savjetnika

Visokog sudskog i tužilačkog vijeća Bosne i Hercegovine

Član 1.

Imenovanje domaćih članova Visokog sudskog i tužilačkog vijeća Bosne i Hercegovine

(1) Za članove Visokog sudskog i tužilačkog vijeća Bosne i Hercegovine (u daljem tekstu: Vijeće), osnovanog Zakonom o Visokom sudskom i tužilačkom vijeću Bosne i Hercegovine ("Službeni glasnik Bosne i Hercegovine", br. 25/04)(u daljem tekstu: Zakon) imenuju se na dvije godine s početkom 3. 6. 2004. godine:

- a. gđa Alma Tirić, Federalno tužilaštvo Federacije Bosne i Hercegovine*
- b. g. Stevan Savić, Vrhovni sud Republike Srpske*
- c. gđa Marica Vučetić-Zelenbabić, Okružni sud u Doboju*
- d. g. Mirza Jusufović, Brčko Distrikt Bosne i Hercegovine*
- e. gđa Danka Vučina, advokat, Federacija Bosne i Hercegovine*
- f. g. Slobodan Stanišić, advokat, Republika Srpska*

(2) Za članove Vijeća imenuju se na četiri godine s početkom 3. 6. 2004. godine:

- a. *g. Branko Perić, Sud Bosne i Hercegovine*
- b. *gđa Medžida Kreso, Tužilaštvo Bosne i Hercegovine*
- c. *gđa Ljiljana Filipović, Vrhovni sud Federacije Bosne i Hercegovine*
- d. *g. Amor Bukić, Republičko tužilaštvo Republike Srpske*
- e. *g. Mladen Jurišić, Kantonalni sud u Mostaru*
- f. *gđa Slađana Milojković, Kantonalno tužilaštvo u Tuzli*
- g. *gđa Snježana Petković, Okružno tužilaštvo u Banja Luci*

(3) Imenovanje članova Vijeća koji nisu imenovani ovom odlukom izvršiće se u skladu sa Zakonom.

Član 2.

Imenovanje međunarodnih članova Vijeća

(1) Za međunarodne članove Vijeća imenuju se:

- a. *g. Michael O'Malley, tužilac, Sjedinjene Američke Države*
- b. *dr Malcolm Simmons, sudija, Velika Britanija*
- c. *g. Sven Marius Urke, advokat, Norveška*

(2) Međunarodni članovi se imenuju na godinu dana s početkom 3. 6. 2004. godine. U tom periodu komisije osnovane prema članu 12. Zakona, podvijeća za predlaganje kandidata osnovana prema čl. 37. i 38. Zakona, komisije za obavljanje razgovora s

kandidatima osnovane prema članu 38. stav 4. Zakona i prvostepena i drugostepena disciplinska komisija osnovana prema članu 60. stav 1. Zakona, imaće, ukoliko je to moguće, najmanje po jednog međunarodnog člana.

(3) Osim dužnosti koje imaju kao članovi Vijeća, g. Michael O'Malley i g. Sven Marius Urke pomažu u radu Sekretarijata, što usklađuje direktor Sekretarijata.

Član 3.

Imenovanje savjetnika Ureda disciplinskog tužioca

(1) Imenuje se g. David Upcher, advokat iz Sjedinjenih Američkih Država, za savjetnika Ureda disciplinskog tužioca Vijeća na mandat u trajanju od 3. 6. 2004. do 31. 12. 2004. godine.

(2) G. David Upcher će vršiti dužnost disciplinskog tužioca prema članu 64. Zakona, od 3. 6. 2004. godine do stupanja na dužnost disciplinskog tužioca kojeg imenuje Vijeće u skladu sa Zakonom, ali u svakom slučaju najkasnije do 31. 12. 2004. godine.

Član 4.

Imenovanje savjetnika Sekretarijata Vijeća

Imenuje se gđa Geralyn Busnardo, advokat iz Sjedinjenih Američkih Država, za savjetnika Sekretarijata Vijeća čiji rad usklađuje direktor Sekretarijata, na godinu dana, od 3. 6. 2004. godine, osim ako Visoki predstavnik ne utvrdi drugačije.

Član 5.

Stupanje na snagu i objavljivanje

Ova odluka stupa na snagu odmah i objavljuje se u "Službenom glasniku Bosne i Hercegovine".

Sarajevo, 3. juni 2004.

*Paddy Ashdown
Visoki predstavnik*